



全芳備祖卷之二十七

天

台

陳景沂

編輯



建

安

祝

穆

訂正

蔬部

蕪菁菜菔附

事寔祖

碎錄

一名蔓菁尔雅蕪菁乃上之菜也芦菔

乃下之根今俗呼為蘆菔是也本州菜菔下氣

消穀解麵毒又云研如泥制麵作饅餛佳同上

紀要 諸葛亮所止必令軍士種蔓菁者取其
纒出甲生啖一也葉舒可煮食二也久居隨以
滋長三也棄去不惜四也回則易尋而採之五
也冬有根可斲食六也比諸蔬其利不亦溥乎
三蜀之人呼蔓菁為諸葛菜劉夢得
賦詠祖

五言散句

蕪菁苗過茁張文潛

中有蘆菔根尚含曉露清東坡

甕藟氏諸葛卷炊字无脩洪平齋

七言散句

蕪菁脆肥姜菹辣張文潛

送教蘆菔專車大早覺蔓菁撲鼻香揚誠齋

金城土酥淨如練注今之蘆菔也山谷

蔓菁宿根已生葉韭牙戴土拳如蕨東坡

安得脆瓊蘆菔子蘋洲南畔種殘雲僧北碕

五言古詩

黃、蕪菁花桃李事已退
狂風簸枯榆狼籍九衢內
春序一如此汝顏安足賴
誰能駕飛車相送觀海外
韓昌黎

我昔在田間寒庖有珍烹
常支折脚鼎自煮花蔓菁
中年失此味想像如隔生
誰知南岳老解作東坡羹
中有蘆菔根尚含曉露清
勿語貴公子送渠嗜羶腥
東坡詠蔓菁蘆菔羹

五言古詩散聯

冬菁餘之半牛力晚耒新
添耕種數畝未堪後

四鄰 杜甫

五言絕句

紛敷剪翠叢津潤擢玉本
寂寞病文園吟餘得深艱
朱文公

蜜壤深根蒂風霜六飽經
如何純白質近蒂染微青
劉屏山

七言古詩散句

雪白蘆菔非蘆菔喫來自是辣
底玉花葉蔓菁非蔓菁喫來自是甜
底冰楊誠齋

七言絕句

秋來霜落滿東園
蘆菔生兒芥有孫
我與何曾同一飽
不知何苦食雞豚

東坡

往日蕪菁不到吳
如今幽圃手親鉏
憑誰為向曾瞞道
徹底无能合種蔬

陸放翁

蒿苳

事實祖

碎錄

蒿苳即野苳也可以供厨饌人種為菜

生食之本單

紀要 既而已秋堂下小畦植蒿苳向二句矣

而苳不甲折傷時君子或晚得微祿輒軻不進

云 園官送菜把本闕數日矧苦苳馬齒掩乎

嘉蔬傷小人害君子菜不足道也比而詩並杜

詩序

賦詠祖

五言古詩

苦苳蔬之常隨事藝其子破魂數席間荷鋤功
易心兩旬不甲折空惜埋泥滓野苳迷汝來宗

生實于此若輩豈无秋亦蒙寒露委翻然出地速
滋蔓戶庭毀目知初干正掩抑至沒齒中國陷
蕭艾老圃永為恥登于白玉盤藉以如霞綺覓
也无所施胡顏入筐篚杜

清晨蒙菜把常荷地主恩守者愆實救略有其
名存苦苣刺如針馬齒葉亦繁青、嘉蔬色埋
沒在中國、吏未足恠世事曰堪論嗚呼戰伐
久荆棘暗長原乃知苦苣輩傾奪蕙草根小人
塞道路為態何喧、又如馬齒盛氣擁葵荏昏

點染不易虞綠麻雜羅紈一徑器物內永挂塵
刺痕志士採紫芝放歌避戎軒畦丁負卷至感
動百慮端杜

芥

事實祖

碎錄 芥多種有青芥黃芥紫芥白芥白芥似
松而有毛味辣好作菹甚快且辣本草

賦詠祖

五言散句

芥藍如茵葦脆美牙賴響

東坡

甘藟和菌耳辛膳御薑芥

山谷

七言散句

淡金生色染宮黃只作坡羹亦擅場

北澗

五言古詩散聯

蔚然蒼石底有此紫玉釵本無塵土侵寧畏霜

霰埋朱瀟山

五言絕句

葉實挹芳草氣烈消煩滯登俎効微勞乍食驚

頻嚏

劉屏山

菘

事實祖

碎錄 有春菘有晚菘菜譜

紀要 周顒晚菘見韭門

賦詠祖

五言散句

奴肥為種菘

杜

白菘類羔豚冒土出態蹠

東坡

七言散句

茂盛春菘甘勝蕨 山谷

久拋菘蕨犹細事 苦笋江豚那忍說 東坡

五言古詩散聯

幽居無一事 隙地自蔬栽
蔬秋雨忽甲拆 青、千
萬餘江鄉盛 菘芥烹咀亦甘腴 張文潛

五言絕句

周郎愛晚菘 对客蒙称賞
今晨喜荐新 小嚼冰

霜響 刘屏山

七言絕句

雨送寒声滿背蓬 如今真是荷鋤翁
可憐遇事

常遲鈍 九月區、種晚菘 陸放翁

撥雪挑来塌地菘 味如蜜藕更肥醲
朱門肉食无風味 只作尋常菜把供 危石湖

菘菘

事实祖

碎錄 本西國中自頗陵國將其子来語訛尔
刘禹錫嘉話錄

賦詠祖

五言絕句

金鏃因形製臨軒發永歎時危思擷佩楚客莫
紉蘭 劉屏山

七言古詩散聯

北方苦寒今未已雪底蒹葭如鐵甲豈知吾蜀
當冬蔬霜葉露芽寒更茁 東坡

菟

事實祖

碎錄

野菟馬齒菟也 杜詩注

不可以菟菜與

鱉同食，則生鱉疔試以鱉甲如豆片大者以
菟菜封裹之置于土坑內上以土蓋之一宿尽
變成鱉也 國注本草

賦詠祖

五言散句

馬齒葉六繁 杜甫

三年國子師腸肚集菘菟 韓愈

菟也无所施胡顏入筐篚 杜全篇見蒿苣門

七言散句

十年讀書厭蒸菹山谷

七言八句

琉璃蒸乳壓純膏未抵齋厨格調高
脫粟飯香供野菹荷鋤人飽撫霜毛
斷无文伯可相累比似何曾母太豪
見說能醫射工毒人間此物正騷
、方秋崖羨菹

芹

事實祖

碎錄

芹楚菜也

詩註芹亦作靳生水中本草

芹有兩種荻芹取根白色赤芹取莖葉堪作菹
本草

紀要

宋國有田夫謂妻曰負日之暄人莫知

者以獻吾君將有重賞里人告之曰昔有美芹
者取而獻之螯于口慘于腹其人大慙子之類
也列子

雜著

有快意炙背美芹子者欲荐獻至尊

雖有區々之意亦已踈矣稽康絕交書

賦詠祖

五言散句

香芹碧澗美 杜甫

芹泥隨燕嘴

飯稻茹芹英 白樂天

獻芹則小小 荐藻明區區 杜甫

尚有獻芹心 无回見明主 高適

食芹雖云美 獻御固已疑 韓愈

七言散句

煮飯青泥坊底芹

盤剝白鴉鳥嘴芹

灸背可以獻 天子美芹由來知 野人杜

艾心芹葉初生小 祇聞時新不聞花 王建

五言古詩

晚食休論肉 知君薄世榮 瓊田何日種 玉本一時生 白鶴今休誤 青泥旧得名 收簞還灸背 北

關僥關情 朱文公

七言古詩散聯

幽人本无食 肉願岼草溪 毛躬自荐並 陸有芹 秀晚春采掇 歸來待朝饌 朱侍制

七言八句

苣荳馨辣最佳蔬
孫芥芳辛不遜渠
蟹眼嫩湯微熟了
鵝兒新酒未醒初
棖香酸醎什三友
露葉霜牙知幾鉏
自笈枯腸成破甕
一生只解貯寒菹

楊誠齋

樂府祖
野香春吐芽泥濕
隨飛燕碧澗一杯羹
夜韭無人剪
玉釵和露香
鵝管隨香軟
野意重慙慙
持以君王獻
右調生查子高竹屋

蓴菜

事實祖

碎錄 蓴生水中葉似鳧葵春夏細長肥滑三
月至八月為綠蓴九月至十一月為猪蓴又曰
龜蓴又有石蓴綠繁者 本草 諸菜之中蓴為第
一四月蓴生莖而未葉名雉蓴第一肥美葉舒
長名綠蓴齊民要術

紀要 晉張翰吳人為大司馬東曹掾見秋風
起乃思吳中菰菜蓴羹鱸魚曰人生貴適志何

能羈宦數千里以要名爵乎遂命駕而歸本傳
晉王武子食前有羊酪問陸雲曰吳中何以敵
此雲答曰千里蓴羹未下鹽豉世說
雜著 蓴羹不糝鮓魚自香盧贊元西紀記
賦詠祖

五言散句

羹煮秋蓴滑

絲繁煮細蓴杜

諸欲討蓴羹

並杜

枯豉蓴絲熟

白樂天

煮羹秋蓴弱

同前

還鄉念蓴羹劉長卿

君思千里蓴

豉化蓴絲熟刀鳴鯨縷飛

強飭蓴絲滑端居茗續煎並杜

七言散句

未肯將鹽下蓴菜

一官久已輕蓴鱸

並東坡

思歸不沒為蓴菜

顏濱

蓴羹鮮滑煮危涎

盧贊元

時望青旗沽綠酒醉煮白魚羹紫蓴山谷

七言絕句

我夢扁舟震澤風蓴羹晚飭落盤空那知嶺表

炎蒸地也有青絲滿碧卷 張于湖

千里尊絲未下鹽北遊誰復話江南可憐一筋
秋風味錯被旁人舌本參 徐竹隱

較人直下白龍潭割得老公滑碧髯曉起相傳
藥珠閑夜來失卻水晶簾一杯淡煮宜醒酒千
里何須下豉鹽可是士衡殺風景却將羶膩此
清纖 楊誠齋

堆盤縷

又秋風客姐羹鹽一洗空羹繪疑居

舵縷底杯盞如墮酒舫中尊羹本足詩人事樽
姐那容俗子同不日挽君來快問請分一筋供
涪翁 徐竹隱

蒿

事寔祖

碎錄 一名萋蒿一名同蒿一名邪蒿 本州

紀要 北齊邢峙為博士授木子經厨進食有

菜曰邪蒿峙命去之曰菜有不正之名非殿下
所宜食顯祖佳之 通鑑

賦詠祖

五言散句

澗蔬煮蒿節 東坡

七言散句

萎蒿數節玉簪橫

萎蒿芽甜草頭辣 山谷

七言古詩散聯

爛蒸香齋白魚肥 碎點青蒿京餅骨 宿雨初消

春睡起 細履幽畦掇芳辣 東坡

馳峯鼠腐踏取熊 百金不滿筋下供 諸門人物

多偉岍一字不識神氏蒙 添林蒿齋最强項 不

肯失身羔酒胸 徐抱獨

七言絕句

竹外桃花三兩枝 春江水暖鴨先知 萎蒿滿地

蘆芽短 正是河豚欲上時 東坡

野蔬山芋慣寒酸 羹綠羹黃頓一餐 及到新年

立春日 卻无生菜上春盤 周吟軒

行

事寔祖

碎錄 荇接余也白莖葉紫赤色正圓徑寸餘
浮在水上根在水底詩註參差荇菜左右流之
閨雅

賦詠祖

五言絕句

黃卷記昔遊園客有佳遺不為洛生吟輟滄時
擁鼻劉屏山

茭白

事實祖

碎錄 菰謂之茭白歲久中心出白臺如小兒
臂謂之菰手其臺中有里者謂之茭蔚至後結
實乃雕胡米也杜詩註

賦詠祖

五言絕句

寒茭翳秋塘風葉自長短剗心一飽餘并得沐
敷軟 劉屏山

秋風吹折碧削玉如芳根應傍鵝池發中怀洒
墨痕 劉屏山

蘆筍

事寔祖

碎錄 芑蘆、筍也 杜詩註

賦詠祖

五言散句

渚秀蘆芽短 杜甫 芦筍初生竹 東坡

春洲生荻芽 歐陽公

泥筍苞初荻 沙茸出小蒲 杜甫

碧鮮春照筍 香飯兼芑蘆 杜甫

七言散句

萋蒿滿地芦芽短 東坡

七言絕句

溶、晴港漾清暉 芦筍生時柳絮飛 還憶江南
風物 杏桃花流水 鱖魚肥 禮魚肥

豆腐

事實祖

紀要 世傳豆腐本淮南王術 朱文公詩註

賦詠祖

五言絕句

種豆、苗稀力竭心已腐
早知淮南術安坐獲
泉布朱文公

全芳備祖卷之二十七

全芳備祖卷之二十八

天台
建安

陳景沂
祝穆訂正
編輯

藥部

茶

事實祖

碎錄 一曰茶二曰檟三曰設四曰茗五曰荈

茶經 茶有三品上者生爛石中者生礫壤下者生
黃土沫餽者湯之華也花之薄者為沫厚者為

餽細者為花陸羽茶經凡茶少湯多則雲脚散
湯少茶多則乳面聚同上建安以開茶為茗戰
茶錄茶之佳者造在社前其次火前謂寒食前
也其下則兩前謂穀兩前也齊已詩云高人愛
惜藏岩裡白甄封題寄火前此言火前蓋未知
社前之為佳也唐人之于茶雖有陸羽茶經而
持論未精蔡君謨則持論精也學林新編南
有蒙頂石花湖州有顧渚紫笋峽州有碧澗明
月蔡寬夫詩話草茶盛于兩浙日注第一自景

祐以來洪州雙井白牙制作尤精遠出日注之
上遂為草茶第一坡詩註湖州長興縣啄木嶺
金沙泉每歲造茶之所也泉處沙中居常無水
湖常二郡太守至于境會亭其犧牲拜勅祭泉
其夕水溢造御茶畢水即微減供堂者畢水已
半之太守造畢即涸矣守咸還旆晚時則有風
雷之變張君房性說宣州宣城縣有茶山其東
為朝日所燭號曰陽坡其茶最勝形如小方餅
橫鋪茗芽其上太守常薦之京洛題曰陽坡茶

杜牧茶山詩云山實東吳秀茶稱瑞草魁毛文
錫茶譜袁州界橋其名甚著不若湖州之研膏

紫笋烹之有綠脚垂下故公淑賦云雲垂綠脚

同上建州北苑先春龍焙洪州西山白露隻井

白芽鶴嶺安吉州碩渚紫笋常州義興紫笋陽

羨春池陽鳳嶺睦州鳩坑宣州陽坡南劔蒙頂

石花露鉸牙箴牙南康雲居峽州碧澗明月東

川數目福州方山露芽壽州霍山黃芽茶譜

紀要 齊王肅歸魏初不食羊肉及酪漿常食

鯽魚羹渴飲茗汴高帝曰羊肉何如魚羹茗汁

何如酪漿肅曰羊陸產之最魚水族之長羊比

齊魯大邦魚比和茗小國明日為設和茗之會

亦有酪奴因呼茗為酪奴洛陽伽藍記劉混與

群弟書吾體中憤門常仰真茶汝可信 致之

法帖唐貞觀趙贊興茶稅而張滂繼之長慶初

王播又增其數大中裴休立十二條之利唐書

德宗元正中稅茶先是鹽鉄使張滂奏請稅茶

以待水旱之闕賦詔曰可是歲得錢四十萬實

錄鄭注為權茶法詔王涯為權茶使王涯益便
茶法益其稅以濟用度下益困本傳陸羽字鴻
漸嗜茶著經三篇御史大夫李季卿宣慰江南
有荐羽者召羽煮茶羽衣野服挈具而入公心
鄙之命奴子取錢三十文酬煎茶博士羽愧之
更著毀茶論語林甫里先生陸龜蒙嗜茶并置
小園於顧渚山下歲入茶租薄為甌犧之費自
為品第書一篇繼茶經茶訣之後茶譜白樂天
方齋劉禹錫正病酒禹錫乃饋菊苗壅芦服鮮

換取樂天六班茶三囊以自醒酒壺甌志王濛
好茶人至輒飲之士大夫甚以為苦每欲候濛
必云今日有水厄伽藍記覺林僧志崇收茶三
等待客以驚雷莢自奉以萱草帶供佛以紫茸
香赴茶者以油囊盛餘漚歸茶譜有人喜飲茶
飲至一斛二斗一日過量吐如牛肺一物以茶
澆之客一斛二斗客云此名斛二瘕太平御覽
世傳陶穀買得党大尉故妓取雪水煎團茶謂
妓曰党家應不識此妓曰彼簾人安得有此但

能銷金帳下淺斟低唱飲羊羔兒酒耳陶愧其
言類苑張詠令崇陽民以茶為業公曰茶利厚
官將擁之命拔茶而植桑民以為苦其後擁茶
他縣皆失業而崇陽之桑已成其為政知所先
後如此言行錄建州大小龍團始于丁晉公而
成于蔡君謨歐陽永叔聞之驚歎曰君謨士人
也何至作此事歐集故例翰林當直學士春晚
人困則日賜成象殿茶金鑿密記
雜著 臣前因奏事伏蒙陛下諭臣先任福建

轉運使日所進上品龍茶最為精好臣退念草
木之微首辱陛下知鑒若處之得地則能盡其
材昔陸羽茶經不第建安之品丁謂茶圖獨論
採造之本至于烹試曾未聞有臣輒條數事簡
而易明勒成二篇名曰茶錄伏惟清閑之宴或
賜觀採臣不勝皇惧榮幸之至謹序蔡襄進茶
錄序 上篇論茶色茶色貴白而餅茶多以珍
膏油去声其面故有青黃紫黑之異善別茶者
正如相工之視人氣色也隱然察之于內以內

理潤者為上既已未之黃白者受水昏重青白者受水鮮明故建安人聞試以青白勝黃白香茶有真香而入貢者微以龍腦和膏欲助其香建安民間試茶皆不入香恐奪其真君烹點之際又雜珍果香草其奪益盛正不當用味茶味主于甘謂惟北苑鳳凰山連屬諸焙所產者味佳隔溪諸山雖及時加意製作色味皆重莫能及也父有水泉不甘能損茶味前世之論水品者以此藏茶宜蒟葉而畏香藥善溫燥而忌

濕冷故收藏之家以蒟葉封裹入焙中兩三日一次用大如人體溫則禦濕潤若太多則茶焦不可食矣茶或經年則色香味皆陳于淨罽中以沸湯漬之刮去膏油一兩重乃止以鈴箱之微火炙乾然後碎碾若當年新茶則不用此說碾茶碾茶先以淨紙密裹槌碎然後熟碾其大要旋碾則色白或經宿則色已昏矣羅茶羅細則茶浮麤則水浮候湯最難未熟則沫浮過熟則茶沉前世謂之蠟眼湯者過熟湯

也沉甌中奠之不可棘故曰候湯最難

燂盞凡欲點茶先須燂盞令熱冷則茶不浮

點茶、少湯多則雲脚散湯少茶多則粥面聚

建人謂之雲脚粉而鈔茶一錢先注湯調令

極勻又添注入環迴擊拂湯上盞可四分則止

眡其面色鮮白者盞無水痕為絕佳建安閒茶

以水痕先沒者為負耐久者為勝故較勝負之

說曰相去一水兩水

下篇論茶器

茶焙茶焙編竹為之裹以蔞葉蓋其上以收火

也隔其中以有容也納火其下茶尺許常溫、

然所以養茶色香味也

茶籠茶不入焙者宜密封裹以蔞籠盛之高處

不近濕氣

砧推蓋以碎茶以木為之推或金或鐵取于便

用茶鈴屈金鐵為之用以炙茶

茶碾以銀或鐵為之黃金性柔銅及錡石皆能

生銹不入用

茶羅以絕細為佳羅底用蜀東川鵝溪畫箔之
密者投諸水揉洗以晷之

茶盞茶色白宜黑盞建安所造者紺黑紋如兔
毫其杯微厚燴之久熱難冷最為要用出他處
者或薄或色紫皆不及也其青白盞聞試家自
不用要重擊拂有力黃金為上人間以銀鉄為
之竹茶匙者輕建茶不取

湯瓶之要小者易候湯又點茶注湯有準黃金
為上人間以銀鉄或瓷為之

以上並茶錄茶為

物之至精而小團又其精者銀序所謂上品龍
茶者是也蓋自君謨始造而歲貢焉 仁宗尤
所珍惜雖輔相之臣未嘗輒賜惟南郊大禮致
齋之夕中書樞密院各四人共賜一餅宮人剪
金為龍鳳花草貼其上西府之家分割以歸不
敢碾試相家藏以為寶時有佳客出而傳玩尔
嘉祐七年親享明堂齋夕始人賜一餅余亦忝
與至今藏之余自以諫官供奉仗內至登二府
二十余年後一獲賜而丹成龍駕舐鼎莫及每

一捧翫羽血交零而已因君謨著錄輒附于後
庶知小團自君謨始而可貴如此歐陽公龍茶
錄後序

賦詠祖

五言散句

破睡見茶功

春風啜茗時杜甫

碾處亂泉聲

李德裕

茶踈綠睡少馮涿居

閩實東南秀茶稱瑞草杜牧

潔性不可汚為飲滌塵煩韋應物

松花飄鼎泛蘭氣入甌輕李德裕

碧流霞脚碎香泛乳花輕前人

舌小侔黃雀毛獐摘綠猿王元之

未從青竹籠蒸自白雲家梅聖俞

價與黃金齊色開青藟整前人

天王初受貢楚客已烹新前人

甌潔凝芳乳羅織撼縹塵宋景文

香濃煙穗直茶嫩乳花圓宋庠

古木鴉啣紙空山人採茶王西澗

何以同歲暮共此晴雲
攬簡齋

赤泥開方印紫餅絕圓王

共約試春茶搶旗幾時綠

七言散句

賜得還應作近臣王元採憶春山露滿旗宋景文

合坐半甌輕泛綠開滅數片淺含黃鄭谷

山中留未採新茗新花亂發前山頂李涉

靜試恰如湖上雪對嘗兼憶刻中人林和靖

揀芽幾日始能就碾月一罌初寄采梅聖俞

小石冷泉留早咏紫泥新品泛春華前人

湯嫩水輕花不散口甘神爽味偏長前人

碧月團圓墮九天對題寄与洛中仙王文公

珠絳縫囊海上舟月團蒼潤紫煙浮前人

溪山擊鼓助雷霆逗曉靈芽發翠莖歐公

初笋一槍知採候亂花三沸記烹特宋景文

春睡無端巧遂入驅呵不去苦相親温公

奮譜最称蒙頂味露芽雲液勝醍醐文潞公

西江水清江石老石上茶花如鳳瓜歐公

思公煮茗供湯鼎蚯蚓竅生魚眼珠

香苞解盡實蒂鏘墨面碾出明窓塵 山谷

銀瓶野浪水一掬松雨声来乱花熟 崔珣

午食易愁菘藿粥夜堂無睡數燈花 張芸叟

官園老兵朝入城報道新芽已堪摘 前人

雲疊乱花争一水鳳團夔影貢先春 王岐公

未須乘此逢菜去明日論詩齒頰香 晁无咎

閑侯貢壁琢蒼玉中有掉尾寒潭龍 前人

與瘴文園消渴病還拉楚客獨醒兔 王逢

得諾向來輕季子打門何日走周公 陳后山

分付着身長引去免教人道敗私茶 張无尽

草茶無賴空有名高者妖妍次頑獷 東坡

獨携天上小團月來試人間第二泉

火前試焙分新鑄雪裡題綢輟賜老 孟前人

松鳴湯鼎茶初熟雪壓炉灰火漸低 洪駒父

麤官差入党候帳精品平收陸羽經 刘允叔

相參六一泉中味遂有陪翁句子香 楊誠齋

五言古詩

禹貢通遠俗始圖在安人後主失其本取吏不
敢陳示有奸佞者曰茲欲求伸動生千金費日
使萬姓貧我未顧渚源得與茶事親絜此輟農
桑採掇實吾辛一夫且當役尽空皆同臻捫葛
上歎壁蓬頭入荒榛終朝不盈掬手脚皆鱗皴
悲嗟編空山草木為不春陰嶺芽未吐使草牒
已頻心爭造化先走挺塵庶均選納充日夜携
声昏繫晨衆功何括櫪俯視弥傷神皇帝尚巡
狩東郊路多堙周迴繞夫涯所獻惟艱勤况值

兵革用蕪茲因疲民未知供御餘誰令分此珍
顧省忝邦守有慙復因循茫茫蒼海間丹憤何

由中 唐表高

芳叢翳湘竹零露凝清華復此雪山客晨朝掇
露芽蒸煙俯名瀨咫尺凌丹崖圓方麗其色圭
玉無纖瑕呼兒爨金鼎餘馥延幽遐滌慮發其
照還源蕩昏邪猶同甘露飯佛事薰毗邪吐此
蓬瀛客無為貴沆霞柳子厚
粉細越笋芽野煎寒溪濱恐五靈草性觴事皆

手親敲石取鮮火，撇泉避腥鱗。榮、巽風鎗拾
得，墜葉新潔色。既蒸別浮氤，亦慙慙以茲委曲。
靜求得正味，真宛如摘山。時自歡指卜春湘瓷，
泛輕花滌盡昏。渴神此遊愜，醒趣可以話高人。
劉言史

周詩記苦茶茗飲，生近世初綠。厭梁肉假，此雪
昏滯嗟我五畝園。桑麥苦蒙翳，不令守地閑。更
乞茶子藝，飢寒知未免。已作太飽計，庶將通有
無。農末不相戾，春生凍地裂。紫筍森已銳，牛羊

煩呵叱。篚管未敢睨，江南老道人。齒髮日夜逝

他年雪堂品上記，桃花香東坡乞桃花茶裁

蒼山走千里，斗落分兩騎。靈泉出地清，嘉卉得

天味。入門脫世氛，官曹真傲吏。蔡端明北苑

造化曾無私，亦有意。所嘉夜雨作春刀，朝雲護

日車。千萬碧玉枝，戢、抽雲芽。茶瓏

春衫逐紅旗，散入青林下。陰崖喜先至，新苗漸

盈。把競携筠籠歸，更帶山雲寫。採茶

糜玉寸陰間，搏金新範裏。規呈月正圓，勢動龍

初起出焙香花全爭誇大候是 造茶
兔毫紫甌新蟬恨清泉莫雪凍作成花雲閑未
垂綫願尔池中波去作人間雨試茶

五言古詩散聯

嫩芽香且靈吾謂草中英夜白和烟持寒爐對
雪烹鄭愚

忽有西山使始遺七品茶未品無水暈次品無
坑祖五品散雲脚四品浮粟花三品若瓊乳二
品空所加絕品不可議甘香難等差

昔觀唐人詩茶詠鴉山嘉鴉啣茶子生遂以山
名鴉春雷未出地南土物尚凍呼譟助發生萌
穎強抽莢團為蒼玉璧隱起雙飛鳳
顧渚及陽羨又復下越茗近年江園人鷹爪誇
雙井其贈幾何多六色十五餅每餅包青莖紅
織纏素縈 梅聖俞

五言律詩

北苑龍茶者甘鮮的是珍四方惟數此萬物更
無新絕吐茫微綠初沾少許春散尋縈樹徧急

採上山頻宿葉寒
猶在芳芽冷未伸
芽次溪日焙藍
龍雨中民長疾
勾萌拆開齊分
兩句帶烟蒸雀
舌和露疊龍鱗
作貢勝諸道先
嘗祇一人緘封
贍闕下郵傳渡
江濱特旨留丹
禁殊恩賜近臣
啜將靈藥助用
與上尊親後進
英華盡初烹氣
味真細香勝却
麝淺色過于筠
顧渚暫投未宜
都愧積新年號
供御天產壯甌
閩丁晉公北苑
茶

五言八句

古路行終日
僧房出翠微
瀑為煎茗水
雲是坐禪衣
尊者難相遇
遊人又獨歸
一猿橋外急
却似不忘機
賈秋壑天台山橋

五言律詩散聯

揀芽分雀舌
賜茗出龍團
曉日雲菴暖
春風浴殿寒
東坡

王尺鋒稜
銀槽樣度
月中亡桂實
兩裏得天葩
張芸叟

七言古詩

日高文五睡正濃軍將打門驚周公口云諫議
送書信白絹斜封三道印開緘宛見諫議面手
閱月團三百片聞道新年八山裏蟄虫驚動春
風起天子須嘗陽羨茶百草不敢先開花仁風
暗細珠琲璫先春抽出黃金芽摘鮮焙芳旋封
裹至精至好且不奢至尊之餘合三公何事使
到山人家柴門反閉無俗客紗帽籠頭自煎喫
碧雲引風吹不斷白花浮光凝碗面一椀喉吻
潤兩椀破孤悶三椀搜括腸唯有文字五千卷

四椀發輕汗平生不平事盡向毛孔散五椀肌
骨清六椀通仙靈七椀喫不得也唯覺兩腋習
習清風生蓬萊山在何處玉川子乘此清風欲
歸去山下群仙司下土地位清高隔風雨安得
知百萬億蒼生命隨在巔崖受辛苦便為諫議
問蒼生到頭還得蘇息否盧仝謝孟諫議新茶
山僧後檐茶數叢春來映竹抽新茸宛然為客
振衣起自傍芳叢摘鷹觜斯須炒成滿室香便
酌砌下金沙水驟雨松聲入鼎來白雲滿椀花

徘徊悠揚噴鼻宿醒散清峭徹骨煩襟開陽崖
陰嶺各殊氣未君竹下莓苔地炎帝雖嘗未辦
煎桐君有錄那知味新芽連拳半未舒自摘至
煎俄頃餘木蘭墜露香微似瑤草臨波色不如
僧言靈味宜幽竅采之翹英為嘉客不辭緘封
寄郡齋孰井銅鑪損標格何況蒙山顧渚春白
泥赤印走風慶欲知花乳清冷味須是眠雲跂
石人劉禹錫蘭若試茶歌

年々春自東南來建溪先暖水微開溪邊竒茗

冠天下武夷仙人從古栽新雷昨夜發何處家
家嬉笑穿雲未露芽錯落一番榮綴玉含珠散
嘉樹終朝來掇未盈檐唯求精粹不敢貪研膏
焙乳有誰製方中圭兮圓中蟾北苑將期獻天
子林下雄豪光聞美鼎磨雲外首山銅瓶携乃江
上中漂水黃金碾畔綠塵飛碧玉瓶中翠濤起
開茶味兮輕醞醕聞香茶兮薄蘭芷其間品第
胡能欺十日視而十手指勝苦登仙不可攀輸
同降將無窮恥吁嗟天產石上英論功不愧階

前莫衆人之濁我可清
千日之醉我可醒
屈原試與招鬼魄
劉伶却得聞雷霆
盧仝敢不飲
陸羽須作經
森然萬象中
焉知無茶星
商山丈人休茹芝
首陽先生休采薇
長安酒價減千萬
成都藥市無光輝
不如仙山一啜好
冷然便欲乘風飛
君莫羨花間女郎
只聞草嬴得珠璣
瑞斗歸 歐陽公聞茶歌

建安三千里京師三月嘗新茶
人情好先務取勝
百物貴早相矜
夸年窮臍盡
春歌動蟄雷
未起驅龍

蛇夜聞擊鼓滿山谷
千人助叫聲
喊呀萬木寒
癡睡不醒
唯有此樹先萌芽
乃知此為最靈物
宜其獨得天地之英華
終朝摘採不盈掬
通犀鏤小圓
復窵鄙哉穀雨槍
與旗多不足
貴如麻
建安大守急寄我香箬
包裹封題斜泉甘
器潔天色好
坐中揀擇客亦嘉
新香嫩色如始
造不似來遠
從天涯
停匙側盞試水路
拭目向空看
乳花可憐俗夫把
金錠猛火炙
皆如蝦蟆
由來真物有真賞
坐逢詩老頻咨嗟
須臾共起

索酒飲何異奏惟終淫哇歐陽嘗新茶
蟹眼已過魚眼生風一歎作松風鳴蒙茸出磨
細珠落眩轉透甌飛雪輕銀瓶瀉湯誇第二未
識古人煎水意君不見昔時李生好客手自煎
貴從活火發新泉又不見分時潞公煎茶學西
蜀定州花蕊琢紅玉我今貧病嘗苦飢分無玉
椀捧蛾眉且學公家作茗飲磚爐石鈿行相隨
不用撐腸挂腹文字五十卷但願常及睡足日
高時

東坡煎茶歌

鬲雲從龍小蒼壁元豐至今人未識壑源包貢
第一春緗奩碾香供玉食虞思殿東金井攔甘露
薦椀天開顏橋山事嚴庀百局補袞諸公省中
宿中人傳賜夜未央雨露恩光照宮燭右丞似
是李无禮好事風流有涇渭肯憐天祿校書郎
親敕家庭遣分似春風飽識太官羊不慣腐儒
湯餅腸搜攪十年燈火讀令我曾中書傳香已
戒應門老馬走客來問字莫載酒山谷謝送壑
源棟芽

我持玄珪與蒼璧以暗投人渠不識城南窮巷
有任人不索賓郎常宴食赤銅茗椀兩班銀
粟翻光解破顏上有龍文下碁局探囊贈君諾
已宿此物已是元豐春先皇聖功調玉燭晁
子胥中開典禮平生自期莘與渭故用澆君石
礪骨莫令鬢毛雪相似曲几蒲團聽煮湯煎成
車声繞羊腸鷄蘇胡麻番渴羗不應亂我官焙
香肌如匏壺鼻雷吼幸君飲此莫飲酒山谷以
龍團半錠贈元卷

人間風日不到處天上玉堂森寶書想見東坡
舊居士揮毫百斛瀉明珠我家江南摘雲腴落
磴霏雪不如為君換起黃州夢獨載扁舟向
五湖山谷以雙井茶送子瞻

吳綾縫囊染菊水蠻砂塗印題進字淳熙錫貢
新水芽天珍誤落黃茅地故人鸞渚紫微郎金
華講徹花草香宣賜龍焙第一網殿上走趨明
月璫御前啜罷三危露滿袖香烟懷壁去歸來
拈出兩蜿蜒雷電晦冥驚破柱北苑龍芽內樣

新銅圍銀範鑄瓊塵九天寶月霏五雲玉龍雙
舞黃金鱗老入平生愛煮茗十年燒穿折脚鼎
下山汲井得甘冷上山摘芽得苦梗何曾夢到
龍遊窠何曾夢吃龍芽茶故人分送玉川子春
風來自玉皇密鍛圭推壁調冰水烹龍庖鳳搜
肝髓石花紫笋可衙官赤印白泥牛走尔故人
氣味茶標清故人風骨茶樣明開緘不但似見
面叩之咳唾金玉声麴生勸人墮巾幘睡魔遣
我拋書冊老夫七椀病未能一啜猶堪坐秋夕

揚誠齋謝送講筵茶

分茶何似煎茶好煎茶不似分茶巧蒸水老禪
弄泉声隆興元春新玉瓜二者相遭兔甌面恠
怪竒，真善幻紛如擘絮行太空影落寒江能
萬變銀瓶首下仍尻高注湯作字勢嫖姚不須
更師屋漏法只問此瓶當響答紫微仙人鳥角
巾喚我起看清風生京塵滿袖思一洗病眼生
花得再明漢鼎難調要公理策勲茗椀非公事
不如回施與寒儒歸讀茶經傳衲子揚誠齋在

澹菴坐上觀顯上人分茶

七言古詩散聯

澗花入井水口香山月當人松影直仙翁白扇
霜鳥翎拂試夜讀黃庭經溫飛卿

春風三月貢茶時盡旌旗到山裏焙中清曉

朱門開箱篋漸見新茶來凌煙觸露不停採官

家赤印連帖催朝飢暮匄誰興哀喧闐競納不

盈掬一時一餉還成堆蒸之馥之香勝梅研膏

架動奔如雷李郢

山僧後簷茶數叢春來映竹抽新茸宛然為客

振衣起自續芳叢摘鷹嘴斯須炒成滿室香便

酌砌下金沙水驟雨松聲八鼎來白雲滿椀花

徘徊劉禹錫

始於歐陽水叔席乃識瓊井絕品茶次逢江東

許子春又出鷹爪與露芽

建溪茗株成大樹頗殊楚越所種茶先春喊山

掐白萼亦異烏嘴蜀客誇梅聖俞

我有龍團古蒼壁九泉一深一百尺憑君汲井

試烹茶不是人間香味色

歐公

西江水清江右老石上生茶如鳳爪窮臍不寒
春氣早獲井芽生先百草並歐公

山南之茗先春採山北之人及夏嘗為念老親
方見惠極知舊友不相忘

老來辛苦須自烹且勿娉婷腕如玉香如桃藥
色如麴蠓眼松声浮艾綠並張芸叟

君不見蒲陽學士蓬萊仙製成月團飛上天南北
自此俱歲貢寸壁徃々人間博魯文昭

金齏韭玉鱠飯炊雪海螯江柱初脫泉臨風飽食
甘寢罷十甌花乳浮輕園東坡

吳剛小君贈我杵阿香藁砧授我斧面蒼壁架
磊々杵碎玄璣々紛楚々出白入磨光吐吞危
坐隻手旋乾坤碧瑤宮殿几塵墮盡珠樓閣粧
鈎翻洪平齋

海濱魚鹽勝耕稼嘗呼父老來丁寧江鄉魚茗
尤逐末為分利害別重輕拔茶種桑何苦口崇
陽因得良吏名厲小山

七言絕句

紅紙十封書後信綠芽十片決前春湯添勺水
煎魚眼沫下刀圭攪麴塵白梁夫

湖上畫船風送客江邊紅燭夜還家今朝寂寞

山堂汗獨對炎暉看雪花蔡君謨

石碾輕飛瑟瑟塵乳花烹出建茶春人間絕品

應難識閑對茶經憶故人林和靖

麥粒收來品絕倫葵花製出樣爭新十杯水日

醒凌眼草衣英華信有神魯子固

壑源山勢上連雲全占南州第一春自有化工

鍾粹氣特生靈葉奉嚴宸張元盡

慶雲十六升龍樣國老元年密賜來披拂龍紋

射牛斗外家英鑒似張雷山谷以潞公揀芽送

公擇二首

赤囊歲上凌龍壁曾見前朝盛事來想得天香

隨御所延春閣道轉春雷

鷄酥狗虱難同味懷取君恩歸去來青巒湖邊

尋顧陸白蓮社裏覓宗雷官茶極妙難為賞音

二首

乳花翻碗正眉開時芳渴美衝熱來知味者誰
心已許維摩雖默話如雷

山芽落磴風回雪曾為尚書破睡來勿以姬姜
棄顛顛逢時瓦釜亦鳴雷為雙井解嘲

要及新香碾一盃不應傳寶到雲來碎身粉骨
方餘味莫厭聲喧萬壑雷和公擇韻

風爐小鼎不須催魚眼長隨蟹眼來深注寒泉
收第一亦防枵腹爆乾雷

乳粥熨糜露脚回色香味觸映根來睡魔有耳
不及掩直拂繩床過疾雷

白錦秋鷹微露爪青瑤曉樹未成芽松梢鼓吹
得翻昇甌面雲烟乳作花楊誠齋

書如香色倦猶愛茶似苦言終有情慎勿教渠
紈袴識珠槽碎釜浪相輕鄭安晚

一杯春露暫留客兩腋清風幾欲仙可但喚回
槐國夢不妨更舉趙州禪

官焙春綱入貢時擔頭獵一小黃旗甘香不數

嘗陽羨密侍天顏喜可知
徐意一
騷客醉眠腸正苦
睡魔退聽骨先寒
未堪八餅
供龍焙且遺一旗
登虎壇戴翼

七言八句

昨日東風吹枳花
酒醒春晚一甌茶
如雲正護
幽人整似雪
纒分野老家
金餅相成和
雨露玉
塵煎出照
炯霞相如病渴
今全校不羨生壺白

鷓鴣 李郢

活水還將活火烹
自臨釣石汲深清
大瓢酌月

歸春甕小杓分江
入夜餅雪乳已翻
煎處脚松
風仍作瀉時聲
枯腸未易经三椀
卧聽山城長
短更 東坡

仙山靈雨濕行雲
洗遍香肌粉未勻
明日來投
玉川子清風吹破
武陵春要知玉雪
心腸好不
是膏油首面新
戲作小詩君莫笑
從來佳茗似
佳人 東坡壑源茶

養成初驚鷹脫鞴
得湯已見玉花浮
睡魔何止
避三舍
歡伯直教輸一籌
日鑄焙香懷舊
隱谷

簾試水憶西遊銀瓶銅碾俱官樣恨欠纖、為
捧甌張南軒

樂府祖

滿庭芳 北苑龍團江南鷹爪萬里名動京闕
碾深羅細瓊葉暖生煙一種風流氣味如甘露
不染塵凡纖、捧水甕瑩玉金縷鷓鴣斑 相
如方病酒銀瓶蟹眼波怒濤翻為扶起樽前醉
玉頰山飲罷風生兩腋醒魂到明月輪邊歸來
晚文君未寢相對小窻前山谷

阮郎歸 摘山煮下小苞團色和香味全碾聲

初新夜將闌烹時鶴避烟 消滯思解塵凡金

甌雪浪翻只愁噉罷月流天餘清撓夜眠山谷

烹茶由客駐雕鞍有人愁遠山別郎容易見郎

難月斜窻外山 歸去後憶前歡畫屏金博山

一盃春露莫由殘典郎扶玉山山谷 歌停檀

板舞停寫高陽飲丹闌數烟噴盡玉壺乾香分

小鳳團 雲浪淺露珠圓捧甌香笋寒絳紗卷

下躍金鞍歸時人倚欄東坡

行香子 倚席終終歡意猶濃酒闌時高與元
窮共誇君賜初折臣封看分香餅黃金縷密雲
龍 閉羸一水功敵千鍾竟涼生兩腋清風暫
苗紅袖少卻紗籠笙歌散庭館靜略從容東坡

全芳備祖卷之二十八

